



**Petrvs Cnaphevs Sev Fvlo In Thoma VVegetino,
Lutherano Theopaschita Redivivvs**

Gretser, Jacob

Ingolstadii, 1609

§. 10. Excusatio noui Fullonis, sed inutilis.

[urn:nbn:de:hbz:466:1-65394](#)

subiicitur natura diuina; & patitur, &c. Pergit Lutherus: Darumb soll man gewiss glauben / das alles / so der menschliche Natur in Christo eigentlich zustehet / vnd widerfehret / dasselbige wirdt auch communi- ciert / zugeeignet / vnd gegeben der göttlichen Natur. Quapropter certò credendum est, omnia illa quæ hu- manæ naturæ propriæ conueniunt & eueniunt , illa e- tiam communicari, appropriari, & tribui naturæ diuinæ.

Prætereo catena, qua ibidem ore Fullonico Lutherus eu- mit. Copiosè enim discussa sunt in Controuersia de Christo. Cum ergo isti naturam diuinam, saltem ut in Christo est; & per consequens illam, qua, in Patre & Spiritu sancto est, (cum sit prorsus una numero in omnibus tribus personis) paſſibilem faciant; cauſe nihil habent, cur ad Trisagium, quod sanctissimæ Trinitati communiter decantatur, non adiiciant illam clausulam: Qui passus es pro nobis.

§. 10. Excusatio noui Fullonis, sed inutilis.

Edidit Iosephus Burdo inter Eusebiana Chronicum quod- dam Gracum, in quo sexto Iustiniani senioris Imp. Anno de- scribitur terramotus Constantinopoli in Nouembri factus, "Ως πάσαι τὴν πόλιν συναχθῖναι εἰς τὸν Φόρον Κωνσταντίνου, καὶ λι- τανεῖν, καὶ λέγειν, Αγιῷ Ἰησοῦ, Αγιῷ ιρχυρῷ, Αγιῷ αἵτα- τῷ, ὁ σωρωθεὶς δὲ ἡμᾶς, ἐλέησον ἡμᾶς. καὶ εμεῖναι πᾶσαι τὴν νύ- κτα ἀρχοπνεύτης, καὶ εὐχόμενοι, Πρωΐας δὲ γενομένης ὁ πᾶς δῆμος τῶν λιτανδόντων εἰς Σόνον, Νίκαιὴ τύχῃ χεισταισι. ὁ σωρωθεὶς σῶσον ἡμᾶς, καὶ τὴν πόλιν. Ut vniuersa ciuitas in forum Cō- stantini concurreret, & se in preces daret; diceretque:

SANCTVS DEVS, SANCTVS FORTIS, SAN-
CTVS IMMORTALIS, QVI CRVCIFIXVS ES
PRO NOBIS, MISERERE NOBIS, manseruntqz
tota nocte insomnes, assiduè precati. Exorto diluculo

D 3 vni-

vniuersus populus precabundus exclamauit: Vince Fortuna Christianorum. Crucifixe serua nos & urbem nostram. Vbi Catholici Trisagium sic cecinisse videntur; neque enim vniuersa Constantinopolitana civitas Eutychianismo infecta erat.

Quid verò hac ad purgandum & excusandum nouum & Lutheranum Fullonem VVegelinum? An ideo vera erunt, quæ de Zonara per crimen falsi mentitus est, si orthodoxi in illo discrimine Trisagium cum appendice Cnaphei decantari? At istos non fuisse Catholicos, sed Theopaschitas & Eutychianistas, planum apertumque fit ex acclamatione: Non enim tantum clamant: AVGSTE IVSTINIANE VINCE: Sed & addiderunt: EXVRE VOLVMEN EDITVM AB EPISCOPIIS SYNODI CHALCEDONENSIS. ut habet vetustum exemplar eiusdem chronici; quod afferatur in Bibliotheca inclytæ Reipublicæ Augustana. Omisit hæc, ut alia multa, Burdonica editio. An quia exemplari adornata est? An quia Burdo, qua Eutychiani fecerant; studio & amore Fullonismi, Catholicorum specioso nomine fucare studuit? Nam vocem illam: Exure volumen editum ab Episcopis synodi Chalcedonensis, hoc est, in ignem coniice Acta concilij Chalcedonensis; nullum probum & Catholicum os unquam emisit: omnibus enim orthodoxis auctoritas Chalcedonensis concilij semper sacrosancta fuit. Eutychianorum, Acephalorum, Fullonistarum, Seuerianorū, & similiū secum fuit ea vox & illud votum dē abolenda, ferroque & flammis persequenda Chalcedonensi synodo. Quapropter & additamentum illud. Qui crucifixus es pro nobis: eorundem hereticorum fuit; quorum Constantinopolis ingens erat copia sub Iustiniano; ut Historia illius atatus testatur. Quorum intuitu, dixit Auctor huius Chronicæ, quod Syculum seu Alexandrinum nominant; vniuersam civitatem fecisser.

fetisse, quod soli Eutychiani & Petri Cnaphei sectatores fecerant. Quam enim Constantinopolitani ciues à Fullonico illo assumento abhorrenerent, & omnes, qui eo utebantur, detestarentur, docent tragœdia, rixa & pugna sub Anastasio Dicoro Imp. Catholicos inter & Fullonis discipulos excitata, de quibus Theophanes in Chronico, & eius Interpres Anastasius Bibliothecarius. Eodem Anno D.I. inquit Anastasius, contra Macedonium imperator agebat, & schismatici cum cōductis turbis in Archangelo Palatij & in magna Ecclesia psallentes in Dominico die Trisagion; addebat in eo, qui crucifixus es propter nos; ita ut orthodoxie necessitate cum plagiis eos insequerentur.

Sed quia miseri Fullonis nostri animitus misereor, effaciorem pro Fullonismo eius eluendo purgationem instruam. Dic, mi Fullo, nunquam legisti Bibliothecam Photij? Crederos tibi tantum otium à Fullonicis laboribus non suppeteres; ut vel huic vel aliis eruditis nota Auctoriibus non nihil studij & opera impendere possis. Succurrar ergo tibi & suggeram, quæ audisse iuuabit. Ecce Ephramus Episcopus Theopolitanus seu Antiochenus apud Photium Volumine CCXXVIII. dicit; Orientales, hymnum Trisagium Christo Iesu attribuere, & propterea nihil peccate, licet adiiciant: Qui crucifixus es pro nobis. Constantinopolitanos verò & occidentales ad supremum sacratissimumque bonorum omnium fontem consubstantialem Trinitatem, hymnologiam referre; idcirco non pati, ut adiiciatur illa clausula: Qui crucifixus es pro nobis: ne passio Trinitati adscribatur. Respira, Fullo; respira. Resume animam, qua iam iam auolare gestiebat. In vado res est. imò in portu. En Ephramus seu Ephra-
mius in Cnapheio tuo tecum κιάπτε. Quidvis amplius?

Netamen præ calido gaudio emoriaris, bonum factum fecero, si frigidam affudero: Quaro igitur, exte, an ob hoc

Herma-

Hermseum, quod, me indice, reperiisti, elutum & expiatum sit
horribile illud crimen falsi in Zonara deprauando abs te pa-
ratum?

Secundò quero, an ideo depuratum & purgatum sit impu-
rum illud mendacium; nempe iussu pueri in celo edocti, & e
celo delapsi, appendicem illam ad Trisagium adiectam esse, &
cum Trisagio decantatam? Num hoc dixit aut scripsit Ephra-
mus?

Tertiò obseruare te, Fullo, velim, qua occasione Ephremus
hoc fecerit. Nam Zenobium Scholasticum Emesenum ab Eu-
tichianis castris ad Catholicorum partes adiungere cupiebat.
Et quia videbat hoc tunc factu prolinius fore; si Zenobio
appendicis illius gratiam ficeret; aliquid potius contra com-
munem aliorum sensum excogitare voluit, quam permittere,
ut vagabunda ouicula ad causas Dominicas non reduceretur.
Et hoc est, quod Photius dicit: εἰπεῖν, εἴπη γὰρ εἰπέως περί τα
τελευγίας διήτησεν ὁ ἀνὴρ, πάχα γάρ τινα παροῦχεν αὐτῷ τε φαν
όντα φρόντιστα διατάν, τοι εἰχωντις γέδε εἰπέα γνώμην εἰπεῖν
θεῖναι αὐτὸν. Siue bene, siue aliter vir iste de Trisagio
statuerit; & fortasse tempus talia dicendi suppeditabant
ei occasionem; in praesenti indiscutiblemente relinquam, nec
pro hac, nec pro illa sententia, sententiam indubitate
dicam.

Quartò, nosse volo nouum Fullonem, hic etiam locum ha-
bere commemorabilem illam Vincentij Lirinensis regulam.
Quid si in ipsa vetustate duorum aut trium hominum
vel certè ciuitatis vnius, aut etiā prouinciae alicuius er-
ror deprehendatur? Tunc omnino curabit, ut paucorum
temeritati vel inscitiæ, si qua sunt, vniuersaliter
antiquitus vniuersalis Ecclesiæ decreta præponat. Quod
multò magis curandum, si unus quispiam duntaxat, tametsi
bono fine & animo, aliquid vel scripsit vel admisit, quod
vni-

uniuersalis Catholica Ecclesie consuetudini aduersetur: ut
hoc, de quo agimus additamentum aduersetur, quemadmodum
docent, quæ haec tenus dicta sunt; magisque decebunt, quæ
infra ex variis Auctoribus adferemus: quod etiam notauit
Photius. Quocirca subdit." Οπι δὲ τοῖς ἀκεφάλοις αἱρετικοῖς κα-
κῶς τὴν θεολογίαν τούτην εὐλαμβάνουσιν, μεγάλη γίνεται κατὰ
τῆς εὐσεβείας καταδρομή· εἰσέτως οἱ ἄλλοι πατέρες ήμῶν πανταλός
περιεῖλον τὸν, vel forte περιείλοντο, μηδὲν περιεῖπεν όν τῇ τελε-
σαγίᾳ θεολογία τὸν, ὁ σωρωθεὶς δι' ήμᾶς. Cūm verò Ace-
phali hæretici, doxologiam hanc malè interpretantes,
inde pietatis doctrinam vehementer insectandi occa-
sionem arripiant; Iure optimo sancti Patres nostri
(additamentum illud) penitus resecuerunt; (statueruntq.)
Trisagio addi non debere: Qui Crucifixus es pro
nobis. Et huius siue à Phaœstos, siue περιαιρέσεως ratio è
vestigio subiungitur. Τῆς γὰρ τελεικῆς θεολογίας ὑμον ἔσται
τὸ θεολόγημα. nam hymnum illum ad Trinitatem (totā
sicilicet & κανὼς pertinere, επεὶ καὶ i χερυβικὸς ὑμνός ἐν τῷ
τελεικῷ Φωνῇ τῆς ἀγίοτητος περιεχόμενος, ἀπ' ἀρχῆς τῆς
τοσίρπαστης ἀγίοτητας καὶ ἀγαθότητας τελείωδε μελάδημα ἐγνω-
εῖσθαι. Cum etiam Cherubicus ille hymnus. (sanctus san-
ctus, sanctus Dominus Deus exercituum, &c. quem Seraphini
Isaiae cap. 6. Deo decantant) à triplici sanctitatis voce pro-
cedens; ab initio, omnem sanctitatem & bonitatem
exsuperantis Trinitatis, canticum habitus fuerit.

Clarum igitur est, ut ab hymno illo Angelico apud Isaia; sic
& à Trisagio sanctos Patres Fullonianū illud assumētū penitus
exclusisse; testimonio Photij, apud quē facile mihi persuaderi
sino ex margine in contextum irrepsisse; vel aliunde assuta esse
ista verba: μηδὲν περιεῖπεν όν τῇ τελεσαγίᾳ θεολογία τὸν, nam
sine illius sensu & omnia probe constant, παντάς περιεῖλον τὸν,
ὁ σωρωθεὶς δι' ήμᾶς. Notat autē Graci Photij Editor ad Ephra-

my dictum hanc sive notam sive censuram in codice Marguniano adiectam fuisse. ομείωση τοῦτο. ἡ γὰρ παρεχόμενη τὸν
εἰργάπον (Ἄσσης Θεοῦ Φησι) παρέθεωρεν τοι λεγόμενα Nota
hæc. Iam enim non recipiuntur, licet olim (ut sanctus
iste dicit) dissimularentur, à pauculis videlicet; qui vel re-
gressis vel regredi volentibus ab Acephalorum secta additio-
nem illam permittendam rebantur, sicut tamen ut totum Tri-
sagium ad solum filium referrent.

Notat idem Photij Editor, ad illud dictum Photij p. 404.
¶. i. Σὲ έχωντες, &c. in Cod. Marguniano hanc notam adiectam.
Πῶς σὺ τούτην εἰρηται αὐτῷ τοῦτο; ή γὰρ σὺ τῷ τελέσθατον σύνοδῳ θο-
σάλεται τὸν τοῦ ζωοφθοροῦ περιθέντα, ένεφαλάμω αὐτῆς τὰ
Quomodo hoc dicis sanctissime? Nam synodus Tril-
lana à communione segregat eū, qui illud: Qui Cru-
cifixus, Trisagio attexit, cap. 81.

Porro, ut tandem finiam; quām in ipso Oriente inuisafuerit Catholicus Fulloniana appendix, ex Damasco, & Anastasio Sinaita in Hodego, qui in Oriente vixerunt, ut plurimos alios silentio transmittam, satis superque exploratum est: Et Anastasius quidem Ephram seu Ephramij in Sede Antiochenia successor fuit, solo Domno inter utrumque interiecto ut patet ex Chronologia Nicephori patriarchæ Constantinopolitani.

Nec Cnapheus noster si à suis deliriis in Praefatione The-
sum effusis per noua deliria dissentire nolit; dicere poterit; se
apponendo clausulam illam: Qui crucifixus es pro nobis;
totum Trisagium ad solum filium retulisse: Quod si hoc occinat:
confestim arripiam librū Damasceni de Trisagio (est liber iste
ex professo totus contra illos scriptus, qui Trisagium solum filio
concinendum existimabant) eoq;, tanquam Fullonis fuste,
quo vda vestimenta extorqueris solēt; ut Hieronymi verbis
utar, lumbos & latera eius Fulloniana ad satietatem usque
dedolabo.

§. II. SAN-